

Savez Sindikata policije i uposlenika u
Ministarstvima unutrašnjih poslova u F BiH
UPRAVNI ODBOR

Broj: 11 - 59 /17
Datum: 20.11.2017. godine

Bosna i Hercegovina
Federacije Bosne i Hercegovine
PARLAMENT FEDERACIJI
SARAJEVO

Primljeno:	21-11-2017		
Org. jed.	Broj	Priloga	Vrijednost
01, 02	- 02 -	1881	17

- Predstavnički dom FBiH - n/r predsjedavajućem
- klubovima zastupnika
- Dom naroda FBiH - n/r Predsjedavajućem
- klubovima zastupnika
- Vlada Federacije Bosne i Hercegovine n/r Premijera
- Federalno ministarstvo rada i socijalne politike n/r ministra
- Federalno ministarstvo unutrašnjih poslova n/r ministra

PREDMET: Prijedlog amandmana na zakon o PIO/MIO i prijedlog dopuna Zakona o policijskim službenicima, dostavljamo.-

Poštovani!

U ranijem periodu više puta Savez Sindikata policije i uposlenika u Ministarstvima unutrašnjih poslova u F BiH je isticao kako prijedlog Zakona o PIO/MIO koji je Vlada FBiH uputila u parlamentarnu proceduru, nije prihvatljiv za policijske službenike.

U tom smislu ovaj Savez kao reprezentativni sindikat na području Federacije BiH u ranijem periodu više puta Vas je pozivao na socijalni dijalog ističući problem vezano za zakon o PIO/MIO stavljao se kao socijalni partner na mirnom i dostojanstvenom rješenju problema.

Pregovori koji su vođeni u proteklih nekoliko dana sa Premijerom Vlade FBiH i ministrima nisu urodili plodom, to vam na rješenju ovog problem kao rješenje predlažemo slijedeće:

U prijedlogu Zakona o penzijskom i invalidskom osiguranju koji je upućen u parlamentarnu proceduru, predlažemo da se u prelaznim i završnim odredbama doda novi član ili stav koji bi glasio:

„Za policijske službenike uvjeti za sticanje prava na penziju, način obračuna ličnog koeficijenta, tretiranje posebnog staža, te pravo na ostvarivanje penzije policijskog službenika, utvrdit će se Zakonom o policijskim službenicima ili posebnim zakonom.“

Uporedo sa donošenjem Zakona o penzijskom i invalidskom osiguranju, donijeti Zakon o dopuni Zakona o policijskim službenicima Federacije Bosne i Hercegovine, čiji prijedlog vam takođe dostavljamo:

ZAKON
O DOPUNI ZAKONA O POLICIJSKIM SLUŽBENICIMA
FEDERACIJE BOSNE I HERCEGOVINE

Član 1.

U Zakonu o policijskim službenicima Federacije Bosne i Hercegovine („Službene novine Federacije BiH“, br. 27/05, 70/08 i 44/11) iza člana 104. dodaje se novo poglavlje IXa- PENZIONISANJE POLICIJSKIH SLUŽBENIKA i novi čl. 104a i 104b. koji glase:

„POGLAVLJE IXa- PENZIONISANJE POLICIJSKIH SLUŽBENIKA

Član 104a.

(Uvjet za sticanje prava na penziju policijskog službenika)

(1) Policijski službenik pravo na penziju ostvaruje pod uvjetima utvrđenim Zakonom o penzijsko i invalidskom osiguranje Federacije Bosne i Hercegovine, izuzev u slučajevima, i to:

a) ako je imao neprekidno najmanje 15 (petnaest) godina staža osiguranja u svojstvu policijskog službenika, i

b) ako je u vrijeme sticanja prava na penziju uposlenik organa unutrašnjih poslova ili neke druge policijske agencije.

(2) Za policijskog službenika iz stava (1) ovog člana lični koeficijent za ostvarivanje prava na penziju utvrdit će se na osnovu pet (5) godišnjih plaća ostvarenih u svojstvu policijskog službenika, koje su za policijskog službenika najpovoljnije.

Član 104b.

(Poseban staž)

Poseban staž iz člana 36. stav (1) Zakona o penzijsko i invalidskom osiguranju Federacije Bosne i Hercegovine za policijskog službenika računa se kao staž osiguranja i uračunat će se samo uz pismenu saglasnost policijskog službenika.

Član 104c.

(Pravo na ostvarivanje penzije policijskog službenika)

Odredbe člana 104a. i člana 104b. ovog zakona odnose se na sve policijske službenike koji ostvaruju svoja prava u skladu sa propisom navedenim u članu 104a. stav (1) ovog zakona.“

Član 2.

Ovaj zakon stupa na snagu narednog dana od dana objavljivanja u „Službenim novinama Federacije BiH“.

Napomena: još jednom, a kako smo već istakli, napominjemo da bi oba zakona trebala biti u parlamentarnoj proceduri usvojena u isto vrijeme odnosno na sjednicama Predstavničkog doma i Doma naroda.

Dostavljeno:

1x naslovu

1x a/a Saveza



PREDSJEDNIK SAVEZA
Dragan Škulj